

昂星者四課中若無上克下克遙克則陽日取地盤酉上之辰爲用陰日取天盤酉下之辰爲用酉宮有昂宿肅殺之氣故陽從酉仰視陰從酉俯視也陽日取支上辰爲中傳干上辰爲末傳陰日取干上辰爲中傳支上辰爲末傳略

別責者四課中有一課相重複只算三課如第二課與支上同或第四課與干上同皆棄之不用名爲不備只看三課中有克則用克若無下克上克遙克卻不用略

八專者干支同課只算兩課如甲寅日干支同寅庚申日干支同申癸丑日干支同丑丁未日未日干支同未此四者干支同心專一故名八專略

反吟者子午相加丑未相加寅申相加卯酉相加辰戌相加巳亥相加乃六冲之課上下相冲主事有反覆故名反吟略

伏吟者子加子丑加丑寅加寅之類伏于本位不動故名伏吟略

貴人十二神 貴人 騰蛇 朱雀 六合 勾陳 青龍 天空 白虎 太常 元武 太陰 天后

起貴人法 甲戌庚牛羊乙巳鼠猴鄉丙丁豬雞位壬癸蛇兔藏六辛逢馬虎顛倒貴人方如甲日則以羊爲日貴牛爲夜貴戊庚日則以牛爲日貴羊爲夜貴皆互相顛倒用之卯時後用日貴酉時後用夜貴 貴人既定又分十二神順逆布法如貴人在地盤亥子丑寅卯辰六位則從貴人順布十二辰如貴人在地盤巳午未申酉戌六位則從貴人逆布十二神

子屬鼠 丑屬牛 寅屬虎 卯屬兔 辰屬龍 巳屬蛇 午屬馬 未屬羊 申屬猴 酉屬雞 戌屬犬 亥屬豬辰戌二位貴人不到故無龍犬

〔六壬類聚〕論三傳

傳者傳課之隱微發課之發蘖也故課爲體傳爲用傳吉課凶事終吉傳凶課吉事小成縱成亦無終